



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području Grada Tuzla („Službeni glasnik Grada Tuzla“, broj: 2/19 I 7/21), tačke 8. Programa utroška sredstava iz Budžeta Grada Tuzle za 2021. godinu namjenjenih za podršku privatnim preduzećima i poduzetnicima po Projektu “Zapošljavanje ranjivih kategorija”, broj: 04-11-10241-2021, od 19.07.2021. godine, Služba za ekonomski razvoj, poduzetništvo i poljoprivredu Grada Tuzle, dana 22.07.2021. godine, objavljuje:

JAVNI POZIV

za učešće u programu raspodjele sredstava iz Budžeta Grada Tuzle za 2021. godinu namjenjenih za novčanu podršku privatnim preduzećima i poduzetnicima po Projektu “Zapošljavanje ranjivih kategorija”

I - Predmet Javnog poziva

Ovim Javnim pozivom prikupljaju se aplikacije (prijave) privrednih subjekata (registrovanih fizičkih i pravnih lica) koji u 2021. godini upošljavaju nezaposlene osobe iz Tuzle, koje se vode u evidenciji Biroa za zapošljavanje Tuzla, a koje pripadaju nekoj od ranjivih kategorija građana definisanih Programom utroška sredstava iz Budžeta Grada Tuzle za 2021. godinu namjenjenih za podršku privatnim preduzećima i poduzetnicima po Projektu “Zapošljavanje ranjivih kategorija”, broj: 04-11-10241-2021, od 19.07.2021. godine,

Ranjivim i teže zapošljivim osobama, u smislu prethodno navedenog Programa i ovog Javnog poziva, smatraju se sljedeće nezaposlene osobe iz Tuzle: osobe sa invaliditetom u procentu 60% i više, pripadnici manjinskih grupa (Romi), osobe starije od 18 godina koje su bile pod institucionalnom skrbi JU Dom za nezbrinutu djecu ili SOS dječijeg sela, žene žrtve nasilja u porodici, osobe mlađe od 35 godina i osobe starije od 55 godina, koje se nalaze na evidenciji Biroa za zapošljavanje Tuzla.

II – Iznos novčane podrške

1. Za raspodjelu putem ovog Javnog poziva raspoloživa su sredstava u Budžetu Grada Tuzle za 2021. godinu, u iznosu od 20.000,00 KM, na poziciji “Grant za aktivnu politiku zapošljavanja”.
2. Novčana podrška putem ovog Javnog poziva može se ostvariti za upošljavanje samo jedne osobe iz kategorije građana navedenih u tački I ovog Javnog poziva.
3. Novčana podrška po jednoj zaposlenoj osobi iznosi 2.000,00 KM, a namjenjena je za refundiranje troškova obaveznih doprinosa za PiO i zdravstveno osiguranje i osiguranje od nezaposlenosti i drugih troškova u vezi ugovora o radu za novouposlenu osobu uz podršku ostavrenu putem ovog Javnog poziva.

III - Pravo učešća

Pravo učešća u ovom Javnom pozivu imaju registrovana privredna društva i registrovane samostalne djelatnosti koji obavljaju djelatnost na području grada Tuzle, koji su u 2021. godini zaposlili ili će u 2021. godini, u roku od 20 dana od dana potpisivanja ugovora o odobravanju sredstava na ime podrške iz ovog Javnog poziva, zaposliti osobu koja pripada ranjivoj kategoriji građana u smislu tačke I ovog Javnog poziva, u stalni radni odnos ili na određeno vrijeme uz obavezu zadržavanja osobe u radnom odnosu u trajanju od najmanje devet mjeseci.

Podnosioci prijave će biti isključeni iz učešća u pozivu ili iz dodjeljivanja sredstava novčane podrške, ukoliko su u trenutku raspisivanja Javnog poziva:

- krivi za davanje lažnih informacija u prijavnim obrascu i /ili izjavi, koje su preduslov za učestvovanje u pozivu za novčanu podršku ili ako nisu dostavili potrebne informacije;
- ukoliko su u posljednjih šest mjeseci od raspisivanja javnog poziva otpuštali radnike, izuzev u slučaju smrti radnika, odlaska u penziju radnika, u slučaju otkaza radnika kao rezultat vođenja disciplinskog postupka ili sporazumnog raskida radnog odnosa,
- nisu uredno ispunili obaveze iz sklopljenih ugovora o odobravanju novčane podrške iz sredstava Budžeta Grada Tuzle u prethodnoj godini,
- ukoliko imaju status javne ustanove ili javnog preduzeća, neprofitne organizacije, ili se radi o subjektu u vlasništvu ili suvlasništvu bilo kojeg nivoa vlasti u Bosni i Hercegovini.

IV - Način prijavljivanja

Prijave na Javni poziv podnose se na prijavnim obrascu koji je propisala Služba za ekonomski razvoj, poduzetništvo i poljoprivredu Grada Tuzle, koji se može preuzeti sa službene internet stranice Grada Tuzle (<https://grad.tuzla.ba>) i u Centru za pružanje usluga građanima (Pisarnici Grada Tuzle).

Uz popunjen prijavni obrazac, podnosilac prijave obavezan je dostaviti sljedeću dokumentaciju:

- dokaz o registraciji privrednog društva ili samostalne djelatnosti na području grada Tuzle (kopija Rješenja Službe za ekonomski razvoj, poduzetništvo i poljoprivredu, za samostalne djelatnosti, a za privredna društva kopija rješenja o upisu u sudski registar),
- obavijest o razvrstavanju prema djelatnosti, izdatu od Zavoda za statistiku (kopija),
- dokaz o otvorenom računu u poslovnoj banci na koji će sredstva biti uplaćena (kopija),
- karton deponovanih potpisa osoba ovlaštenih za zastupanje (kopija),
- uvjerenje nadležne Porezne uprave Tuzla o izmirenim dospjelim poreznim obavezama kao i izmirenim obavezama po osnovu PIO/MIO, da nije starije od 30 dana od dana podnošenja prijave na ovaj Javni poziv (original ili ovjerena kopija),
- uvjerenje o urednom izmirenju indirektnih poreza, izdato od Uprave za indirektno oporezivanje, ukoliko je prijavljeni učesnik obveznik plaćanja PDV-a, a za prijavljene učesnike koji nisu u sistemu PDV-a dostavlja se uvjerenje Uprave za indirektno oporezivanje da nisu u sistemu PDV-a (uvjerenja ne mogu biti starija od 30 dana od dana podnošenja prijave na ovaj Javni poziv, a dostavljaju se u originalu ili ovjerenoj kopiji),

- dokaz da se osoba koju namjerava zaposliti u 2021. godini nalazi na evidenciji Biroa za zapošljavanje Tuzla, ili ukoliko se radi o osobi već zaposlenoj u toku 2021. godine, dokaz da je prije upošljavanja ta osoba bila na evidenciji Biroa za zapošljavanje Tuzla (uvjerenje Biroa za zapošljavanje Tuzla da nije starije od 30 dana od dana podnošenja prijave na ovaj Javni poziv, original ili ovjerena kopija),
- lista osiguranih lica koja uključuje i odjavljena lica, izdata od Porezne uprave Tuzla, ne starija od 30 dana od dana podnošenja prijave na ovaj Javni poziv (original ili ovjerena kopija),
- dokaz da nezaposlenu osobu koja pripada nekoj od ranjivih kategorija iz tačke I ovog Javnog poziva ima namjeru uposliti u 2021. godini (ovjerena izjava odgovornog lica podnosioca- originalna), a ukoliko je u tekućoj 2021. godini već uposlio osobu koja pripada nekoj od ranjivih kategorija iz tačke I ovog Javnog poziva, dostavlja se kopija ugovora o radu I prijava nadležnoj Poresnoj upravi za tu osobu,
- obrazac Izjave ovjeren u Centru za pružanje usluga građanima (Pisarnici Grada Tuzle) ili kod notara (obrazac Izjave je sastavni dio Prijavnog obrasca).

Pored gore navedene dokumentacije, uz prijavni obrazac je potrebno dostaviti i dokaz da osoba koju je privredni subjekt zaposlio u 2021. godini ili u 2021. godini namjerava zaposliti, pripada nekoj od ranjivih kategorija iz tačke I ovog Javnog poziva, zavisno od kategorije, tako da:

- za osobu sa invaliditetom u procentu 60% ili više, kao dokaz priložiti rješenje, ili nalaz i mišljenje nadležnog organa ili komisije koja utvrđuje invaliditet, ili
- za osobu koja je pripadnik manjinske grupe (Romi), kao dokaz priložiti ovjerenu izjavu te osobe o pripadnosti navedenoj manjinskoj grupi, ili
- za osobu stariju od 18 godina, koja je bila pod institucionalnom skrbi JU „Dom za djecu bez roditeljskog staranja“, ili SOS dječijeg sela, kao dokaz priložiti potvrdu JU „Dom za djecu bez roditeljskog staranja“ Tuzla ili uprave SOS sela, da se radi o njihovom štíćeniku, ili
- za žene žrtve nasilja u porodici, kao dokaz dostaviti potvrdu JU Centar za socijalni rad Tuzla ili potvrdu UG Viva žene Tuzla, ili
- za osobu mlađu od 35 godina i osobu stariju od 55 godina, kao dokaz priložiti rodni list.

V- Provjera aplikacija (prijava)

Postupak dodjele sredstava za novčanu podršku privatnim preduzećima i poduzetnicima iz ovog Javnog poziva provodi Komisija za ocjenu prijava, koja po okončanju roka za predaju prijava, nakon provjere formalne ispravnosti prijava i utvrđivanja ispunjavanja uslova, sačinjava zapisnik i listu o odabiru korisnika sa iznosom dodijeljenih sredstava. Lista o odabiru korisnika mora sadržavati subjekte koji su ispunili uslove javnog poziva sa iznosom dodijeljenih sredstava i subjekte koji nisu ispunili uslove javnog poziva sa naznakom koji uslov nije ispunjen. Lista o odabiru korisnika se objavljuje na službenoj internet stranici Grada Tuzle (<https://grad.tuzla.ba>) i na oglasnoj ploči Grada Tuzle.

Komisija zadržava pravo da u postupku odlučivanja od aplikanta traži dodatna pojašnjenja u vezi aplikacije, kao i da izvrši kontrolu na licu mjesta.

Ukoliko ukupan iznos odobrene podrške putem ovog Javnog poziva bude veći od iznosa raspoloživih sredstava za raspodjelu Komisija će izvršiti proporcionalno smanjenje odobrene

pojedinačne podrške po korisniku, kako bi se uskladio iznos odobrene novčane podrške sa iznosom raspoloživih sredstava za raspodjelu.

Zapisnik i listu o odabiru korisnika sa predloženim iznosom novčane podrške Komisija dostavlja Pomoćniku Gradonačelnika za Službu za ekonomski razvoj, poduzetništvo i poljoprivredu, koji na osnovu navedene dokumentacije donosi program raspodjele sredstava.

Program raspodjele sredstava bit će objavljen na internet stranici Grada Tuzle (www.grad.tuzla.ba) i na oglasnoj ploči Grada Tuzle.

Detaljni uslovi korištenja dodijeljenih sredstava regulisat će se ugovorom o dodjeli sredstava koji se sklapa između Službe za ekonomski razvoj, poduzetništvo i poljoprivredu s jedne strane i korisnika sredstava s druge strane.

Prije potpisivanja ugovora korisnik dodjeljenih sredstava koji je već zaposlio osobu u 2021. godini koja pripada nekoj od ranjivih kategorija iz tačke I ovog Javnog poziva, mora dostaviti ugovor o radu i prijavu nadležnoj Poreznoj upravi za tu osobu.

Korisnik dodjeljenih sredstava koji ima namjeru uposliti osobu koja pripada nekoj od ranjivih kategorija iz tačke I ovog Javnog poziva dužan je u roku od 20 dana od dana potpisivanja ugovora o odobravanju novčane podrške dostaviti ugovor o radu u trajanju od najmanje 9 mjeseci i prijavu nadležnoj Poreznoj upravi za tu osobu, nakon čega će mu se izvršiti transfer odobrenih sredstava.

VI – Trajanje javnog poziva i podnošenje aplikacija (prijava)

Javni poziv je otvoren 30 dana od dana objave, a zadnji rok za predaju prijave je dana 23.08.2021. godine.

Prijave na Javni poziv sa pratećom dokumentacijom dostavljaju se u zatvorenoj kovrti putem Centra za pružanje usluga građanima (Pisarnica Grada Tuzle) ili poštom na adresu:

GRAD TUZLA

**Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla,**

sa naznakom:

**Prijava za učešće u Programu raspodjele sredstava iz Budžeta Grada Tuzle za 2021.
godinu namjenjenih za podršku privatnim preduzećima i poduzetnicima po Projektu
„Zapošljavanje ranjivih kategorija“
-ne otvarati-**

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u Službi za ekonomski razvoj, poduzetništvo i poljoprivredu Grada Tuzle, putem telefona: 035/307-380.